



Principáu
d'Asturies



Nota de prensa

Vienres, 12 de xunu del 2026

El Principáu refuerza la desestacionalización de Valgrande-Payares con una amplia programación gratuita de branu

- *Veranu en Payares* ufierta una trentena d'actividaes gratuites vinculaes a la naturaleza, el deporte, la divulgación ambiental y l'astronomía
- La iniciativa forma parte de la estratexa de modernización y desestacionalización impulsada pol Executivu autonómicu pa reforciar l'actividá de la estación más allá de la temporada de nieve

La Consejería de Cultura, Política Llingüística y Deporte pon en marcha esta fin de selmana una edición nueva de *Veranu en Payares*, un programa gratuitu d'actividaes al aire llibre que va enllenar Valgrande-Pajares de propuestas vinculaes a la naturaleza, el deporte y la divulgación nos meses de branu. La iniciativa va desenvolverse ente'l 13 de xunu y el 13 de setiembre y forma parte del apueste del Principáu por afianzar la estación como un espaciu de referencia pal ociu activu y el disfrute del monte mientres tol añu.

La programación axunta una trentena de sesiones distribuyíes a lo llargo de catorce fines de selmana y empobinaes a públicos de toles edaes. Rutes de monte, talleres medioambientales y d'etnobotánica, actividaes d'orientación, geocaching, observación astronómica, yoga na naturaleza o marcha nórdica conformen una ufierta pensada pa descubrir la redolada de Payares dende perspectives mui diverses y p'aaverar a visitantes y residentes a dalgunos de los paisaxes más valiosos del monte central d'Asturies.

Ente les propuestas, destaquen los percorríos guiaoos per espacios de gran interés ambiental, como'l Parque Natural de Les Ubiñes-La Mesa, el Camín del Salvador o los valles qu'arrodien la estación. El programa incorpora tamién esperiencies singulares como *Emboscados*, una ruta inmersiva que combina senderismu, patrimoniu, historia y mitoloxía asturiana, amás de talleres y observaciones astronómiques vinculaes al eclipse total de Sol que va poder contemplase n'Asturies el próximu 12 d'agostu del 2026.

La telecabina *Cuitunigru* va permanecer operativa nes fines de selmana del programa, ampliando les posibilidaes d'accesu y disfrute de la

Nota de prensa

estación na temporada de branu. Toles actividaes son gratuites y precisen d'inscripción previa hasta completar les places disponibles.

Les persones interesaes pueden consultar la programación completa y inscribise al traviés de la páxina web de la estación: <https://www.valgrande-pajares.com/veranu-en-payares/>.

Una estación de monte activa tol añu

Veranu en Payares enmárcase na estratexa impulsada pol Gobiernu d'Asturies pa diversificar los usos de Valgrande-Payares y reforciar la so actividá más allá de la campaña d'iviernu. Esta llinia de trabayu combina la modernización de les infraestructures cola incorporación de nueves propuestes deportives, turístiques y d'ociu vinculaes a la redolada natural, cola mira d'afianzar la estación como un equipamientu de monte abiertu los doce meses del añu.

Nos años últimos, el Principáu desenvolvió un procesu ambiciosu de tresformación qu'incluye la puesta en funcionamientu de la telecabina *Cuitunigru*, nueves actuaciones de meyora y accesibilidá y el desenvolvimientu de la segunda fase del plan de modernización de la estación. Ente les intervenciones, anguaño en marcha, figuren nuevos senderos, miradores, árees de descansu y espacios pa la práctica deportiva, amás del futuru *bikepark*, llamáu a convertise nún de los principales encantos de la ufierta de branu de Valgrande-Payares.

Estes actuaciones intégrense nel procesu de tresformación que'l Gobiernu d'Asturies impulsa en Valgrande-Payares, con inversiones que van algamar los 20 millones d'euros destinaes a modernizar les instalaciones, diversificar la so ufierta y reforciar el so encantu tol añu. La meyora de les infraestructures y la incorporación de propuestes como *Veranu en Payares* afiancen el papel de la estación como motor d'actividá económica, deportiva y turística pa L.lena y pal conxuntu del monte central d'Asturies.